

fuisse dimissum, datis comitibus à quibus reduceretur in silvas. Divus Hieronymus quoque scribit in vita Pauli Eremita, idem animal tempore Constantini Caesaris captum, ac perductum Alexandriam, praeuisse magnum populo spectaculum; ac postea eius cadaver sale perfusum, ne putresceret, missum fuisse Antiochiam Caesari videndum. Adhuc scribit, ipsum Paulum in eremo Aegypti, conspiciatum & allocutum esse talem homunculum capripedem & cornutum, atque ab ea accepisse hoc responsum: Mortalis ego sum, & unus ex incolis eremi, quos gentilitas colit vario errore delusa, Faunosque & Satyros appellat: legatione fungor gregis mei: precamur, ut pro nobis communem Deum depreceris, quem pro salute mundi venisse cognovimus.

Notus feritate Lycaon &c.

Lycaon in
Lupum.

Lycaon rex Arcadiae primus inducias belli violasse fertur, immolato Iovi obside, quem à Molossis acceperat: cumque hac perfidia redeisset in potestatem ac ditionem suam homines simplices, quibuscum inducias fecerat, & eos tamquam oves devorasset, Poeta ad nomen alludentes, finxerunt ipsum in Lupum esse mutatum à Iove, cui humanas carnes apposuisset. Lycos enim lupum significat. Hæc igitur fabula, detestatur impietatem, perfidiam & inhospitalitatem, qua nil est immanius. Quam arctum vero & sanctum olim fuerit vinculum hospitii, ex eo apparet, quod antiquitas Iovem vocavit hospitalem; apparet item ex historia Livii de Badio civæ Campano, qui in conspectu duorum exercituum, Q. Crispino Romano hospitium solenniter renunciat, ut cum eo congregari possit hostili more. Tanti enim fiebat olim ius hospitii, ut ne ab hostibus quidem violaretur.

Sanctum
vinculum
hospitii.

FAB. VII. OCCIDIT &c.

De Diluvio, & reparatione generis humani
jactu lapidum.

Sequitur descriptio diluvii, quo extinctum est genus
humana-